




101

9173

edukativ

Augustianie







V I T A  
THEOLOGICA,

Vivifico <sup>E X</sup> AVGVSTINI Corde

A C C E P T A.

Et in victimam gratitudinis eidem CORDI Divinissimo

ADVOLVTA;

<sup>S E P</sup>

CONCLVSIONES  
THEOLOGICÆ.

ECCLESIAE, & Doctorum DOCTORI,  
DIVINISSIMO

AUGVSTINO,

Præfuli Hipponensi, suo LEGISLATORI svavissimo,

â

*Studio Theologico Cracoviensi Ordinis Canonorum Regularium  
Sanctissimi Hierosolymitani Sepulchri;*

In recurrente ejusdem Sancti AVGVSTINI Comme-  
morationis die,

DEDICATÆ.

*Annô, quô Verbum Eternum ex Corde Virgineo vitam  
accepit 1721. Die 30 April.*

CRACOVIAE,

Typis IOANNIS DOMANSKI, S. R. M. Typogr.



**T**Am multa, piè, & copiosè scripsit; ut Christianam doctrinam maximè illustrârit. Quem inprimis secuti sunt, qui postea Theologicam disciplinam, viâ, & ratione tradiderunt. Ita de Sancto **AUGUSTINO** Breviari-um Romanum, sub die 28. Aug.

Aug. 9173

**C**  
Div  
omn  
ra,  
Es q  
xim  
Et im  
simo  
quia  
confe  
num  
conti  
vita  
Tuo  
ritu  
lume  
ab A  
Doct  
dem  
favor  
modis  
genera  
quod  
mento  
bonum  
Epicur  
STIN  
à toto  
Theolog  
e tam



# PRÆFATIO DEDICATORIA.

**Q**uam ex Divinissimo Corde Tuo hausimus vitam, eandem Tibi submissè offerimus, profundè consecramus, & in victimam immolamus, Doctor Doctorum Maxime, Divinissimi ne AVGVSTINE. Sicut enim supremus rerum omnium Moderator DEVS maximè tunc colitur à creatura, quando hæc, tale ipsi in holocaustum dedicat munus, quale, & quod ab eodem liberaliter collatum habet; ita, & nos maximum Tibi cultum reddituros censemus quando id Tibi in victimam presentamus, quod ex Divinissimo Corde Tuo, amplissimo omnis scientie & eruditionis Oceano, delibavimus. Et quia ex Divinissimo Corde Tuo vitâ hausimus Theologicâ nempe, conformem Tue doctrinæ Theologiam, ideo hanc ipsam in monumentum gratitudinis advolvimus. Principi Astrorum Soli continui debentur dies, Mari flumina, fontibus torrentes, Tibi vita Theologica in nos derivata; hoc est Theologia Universalis. Tuo spiritu post DEUM universi vivunt Doctores, Tuo spiritu etiam maximi aguntur Theologi: (¹) Nam sicut Stellæ lumen à Sole recipiunt, sic omnes Doctores scientiam ab AVGVSTINO, consequenter & vitam, vita enim, Doctorum, vita eruditorum, Scientia est. Reponunt quidam alij vitam partim in divitiis, partim in honoribus, & favoribus Principum, partim in voluptatibus, partim in commodis edendi, bibendi, exquisitè, ac splendide se vestiendi, & generaliter insufficientia rerum temporalium, contenti hoc Solo, quod habeant unde edant, bibant, & quò vestiantur, de incremento autè vite eruditæ acquirèdæ vel promovendæ, etiam propter bonum publicum non curant. Sed hæc norma procedendi, vita Epicurorum est, à Corde autem, imò & à Nomine AVGVSTINI tantum distant hæc omnia, quantum distat punctum, à toto Orbe. Cor itaq; AVGVSTINI solam spirat vitam Theologicam repositam in Sermone de DEO, rebusq; Divinis, & tam ampè diffundit vitalitatem suam, ut ubi hanc deesse

(¹)  
Remigius  
Antiochæ  
rensis.



(b)  
Martinus  
V. Pontifex  
Maximus.

contingeret, ibi omnis humana intelligentia, muta & nihil plane intelligens fieret. (b) Quicumq; de CHRISTO, de Fide, de Religione, aliquid saperent omnibus in ore erat AVGVSTINVS, ut nihil pænè ex sacris literis possit, nisi eo Duce intelligi, nisi eo interprete explicari. Et cum principale totius Theologiæ fundamentum sit ex sacris literis, proindè sicut hæc, ita & illa, non potest nisi Te Duce intelligi; nisi Te interprete explicari. Quare sicut in sacris literis juxta Oraculum Martini V. Pontificis Maximi Ducem Te exhibuisti toti Ecclesiæ, ita & in Theologia Uniuersa, uniuersalem Te nobis exhibe Antesignanum, & Doctorem, nos doctrinam Tuam eò sequemur animò, quo Regulam sequimur. Et quomodo Tuam doctrinam sequi non debemus? quam, suprema totius Ecclesiæ orbisq; Capita, & Generalia Concilia secuta sunt, & coram Orbe toto fatentur, quod Tuam doctrinam sequantur.

(c)  
Conc. Const.  
stant. OE.  
cumenicū  
celebr. A.  
Domini  
1553.  
(d)  
Conc. Florent.  
Gen: S. C.  
qua ferat  
hæc ita est  
Anno 1553.

(c) Sic Concilium Oecumenicum Constantinopolitanum expressè fatetur: Sequimur per omnia Sanctū Augustinū, & suscipimus omnia quæ de recta fide, & cōdemnatione Hæreticorū exposuit (d) Et Conciliū Generale Florentinū ante alios Sanctos Patres, Tuam primo sacram Auctoritatem afferri in medium iussit: Nunc Sanctorum Patrum Auctoritates in medium afferamus, ac imprimis Sancti Augustini Illustrissimi Latinorum Doctoris &c. Eidem vestigio nos inherentes, licet aliorum Sanctorum Patrum & Doctorum auctoritatibus, conemur firmare Theologiam nostram, tamen specialiter & primariò eandem stabilire nitimur, intemerata semper auctoritate Tua. Itaq; Doctor Divinissime (e) Magnæ auctoritatis & Sanctitatis Præsul (f) Inter intemeratæ Ecclesiæ Doctores præcipue, & subtilissime Evangeliorū & Sacrarum Literarum perscrutator, digneris pietate Tua nostrum suscipere conatum; quem ut exequamur, supplicamus, ut nobis Supremum Numen propitium concilies, & contra aduersa omnia præsens exhibeas subsidium.

(e)  
Joannes X.  
Pont: Max.  
(f)  
Sixtus IV.  
Pont: Max.

Ita precatur

Devotissimum CORDI, & honori Tuo,

Cracoviense Studium Theologicum Ordinis Canonici  
Regular: SSmi Hierosolimitani Sepulchri.



# CONCLVSIONES THEOLOGICÆ

JUXTA ORTHODOXAM

Beatissimi Ecclesiæ Magistri AVGVSTINI  
Doctrinam.

## EXTRACTATV

De DEO ut UNO.

I.

**E**Xistentia DEI non est demonstrabilis à priori, est tamen demonstrabilis à posteriori. Ita Doctor Doctorum AUGUSTINUS lib. 10. Confessionum Cap. 6. *Interrogavi Mundum molem de DEO meo, & respondit mihi non ego sum, sed ipse me fecit. Et inferius: Homines autem possunt interrogare ut invisibilia DEI, per ea quæ facta sunt intellecta conspiciant.*

II.

**A**tributa Divina sunt idē inter se realiter adæquatē, nec distinguuntur ullatenus nemine cogitante. Ita docet Idem S. D. Lib: 7. de Trinit: Cap: 6. *Hoc illi est esse, quod DEVS esse, quod magnum, quod bonum esse.* Idem docet & aliis multis locis.

III.

**D**atur in DEO Scientia Simplicis Intelligentiæ & Visionis. Ita S. D. Lib: 15. de Trinit. Cap: 8. *Non enim ejus Sapientia, aliquid accessit, nec aliter scit creatura, quam creanda.*

IV.

**P**ræscientia DEI de actibus nostris liberis absolute futuris, non est causa unice necessaria eorundem actuum; connexa essentialiter eum illis, consequenter non ideo homo libere agit, quia eum DEVS præcivit acturum. Ut expresse docet Idem S. D. Lib: 5. de Civit: DEI Cap: 19. *Neg. enim ideo peccat homo, quia eum DEVS peccaturum prævidit.*

V.

**Q**uod præter Scientiam Simplicis Intelligentiæ, & Visionis; detur etiam in DEO Scientia Media, colligi potest ex eodem. S. D. in Epist: ad Rom: Pronuntiato 55. *Non omnes qui vocati sunt secundum propositum vocati sunt, hoc enim propositum ad suam prædestinationē, & Scientiam DEI pertinet. nec prædestinavit aliquem, nisi quæ præcivit crediturum, & secuturum vocationē suā, quos & electos dicit. & Etb: 2. de Dono perseverantiæ Cap: 9, & 10. inquit: Nunquid possumus dicere Tyrios &*

[\*]

*Sidonibus*



*Sydonios, si tales apud illos virtutes fierent, non fuisse credituros cum ipse Dominus attestetur, quod acturi essent penitentiam. Tandem Libro de Spiritu & litera Cap: 3. Solum suasionibus agit D E V S, siue extrinsecis, siue intrinsecis, sed consentire, vel dissentire propria voluntaria est.*

## VI.

**P**redestinatio ad gloriam ut hereditatem est ante praevisionem meritorum. Tamen predestinatio ad gloriam, ut coronam est post praevisionem meritorum ut colligitur ex supra citatis S. D. verbis: *Nec predestinavit aliquam nisi quem praevidit crediturum, & seculurum vocationem suam.* Item Serm: 7. de Verbis Domini super Matthaeum, *Elegit autem (sicut) dicit Apostolus) & secundum suam gratiam, & secundum illorum iustitiam.*

## EXTRACTATV

### De DEO ut TRINO in PERSONIS.

#### I.

**E**ns positum supra lumen naturae est illud, de cuius possibilitate non potest constare ex lumine naturali, constat tamen de illo, vel constare potest ex fide, vel alio lumine supernaturali, & tale ens est TRINITAS Divina. Ita Idem S. D. Lib: de Spiritu & Anima Cap: 12. *Quaedam sunt infra rationem, quedam juxta rationem, quedam supra rationem; infra rationem, sunt, quae sensu percipimus, ut dura mollia, calida, frigida; juxta rationem sunt quae ratione percipimus, sicut commoda, incommoda, vera & falsa; iusta, & iniusta; supra rationem sunt quae nec sensus docet, nec ratio persuadet, sed a Divina revelatione comprehenduntur. Sicut D E V S esse Trinum in Una substantia, & in tribus Personis unum.*

#### II.

**S**icut attributa Divina inter se, ita eadem attributa & natura Divina non distinguuntur ullatenus nemine cogitante à Personalitatibus, vel realiter in tertio. Ita S. Doctor Lib: 7. de Trinitate Cap: 6. *Non aliud DEO esse, aliud Personam esse, sed omnino idem.*

#### III.

**V**nde sine recursum ad ullam distinctionem nemine cogitante talem, aut realem in tertio sufficienter salvari potest contra infideles Mysterium TRINITATIS à contradictione, per hoc ipsum, quod idem mysterium sit supra lumen naturae, sine recursum autem ad hoc, quod idem Mysterium sit supra lumen naturae positum, non potest sufficienter salvari à contradictione. Et ita docet S. D. Lib: 7. de Trinitate Cap: 6. *In his rebus non tantum est unus homo, quantum tres, homines simul, ac in DEO non ita est, non enim major Essentia est PATER, FILIUS, & SPIRITUS Sanctus simul, quam solus PATER, aut solus FILIUS, quod animalis homo non percipit, &c. quod si intellectu capi non potest, fide tenetur, donec illucescat in cordibus illis, qui ait per Prophetam: Nisi credideritis, non intelligetis.*

## EXTRACTATV

### De JURE & JUSTITIA.

#### I.

**J**us Proprietatis definitivè, est potestas legitima disponendi de re inimpedibilis ab aliis licitè vel valide ordinata in proprium commodum habentis talem potestatem. A. S. Aug. definitur per ordinem ad id, quod est iustum. *Nec jus dicendum est, si iniustum est, illud ergo verum jus quod etiam iustum est.* In Psalmi 145



## II.

**C**HRISTUS Dominus & Beatissima Virgo MARIA Immaculatè Concepta, habuit jus proprietatis in omnia Mundi Regna, & in res singulas Universi. Colligitur ex multis locis S. D. ubi CHRISTUM vocat, *Dominum universi, & Beatissimam Reginam Mundi.*

## III.

**I**udex non potest condemnare convictum per allegata & probata: quem scit privata noticiâ innocentem Ita S. D. scribens contra Macedonium: *Judicis autem est judicare juxta ordinem.*

## IV.

**I**ustitia definitivè est constans, & perpetua voluntas jus suum cuiq; tribuendi. Juxta S. D. Lib: 19. de Civitate DEI Cap. 21. *Iustitia porro ea virtus est, quæ suæ cuiq; tribuit.*

## V.

**D**EUS non potest obligari iusticialiter Creaturæ rationali, adeoque non datur in DEO Iustitia talis quæ DEUM obliget iusticialiter Creaturæ, Ita S. D. Epist: 105. ad Sixtum: *Quoniam cuius vult miseretur, non iustitia, sed misericordia grauit.* & Lib: 1. Confessi alloquitur DEUM. *Reddis debita, nulli debens.*

# EXTRACTATV De INCARNATIONE.

## I.

**M**ysterium Incarnationis prout includit aliquam Mysteriositatem communem TRINITATI Divinæ, non est cognoscibile lumine naturæ adeoque est supra lumen naturæ. Colligitur ex S. D. Epist: 3. ad Volusianum, *Si ratio quaeritur non erit mirabile, Si exemplum desideretur non erit singulare, demus ergo aliquid DEVM posse, quod nos sciamus investigari non posse.* Et hæc verba citantur à Conc: Tolent: 10. Cap: 1.

## II.

**M**ysterium Incarnationis prædicto modo sumptum potest optimè salvari à contradictione, sine recursum ad ullam distinctionem nemine cogitante talem, vel realem in tertio, per hoc ipsum quod sitens positum supra lumen naturæ, Est conformis doctrinæ S. D. citatæ sub Conclusionem 3tia de DEO ut Trino.

## III.

**P**otuit à Verbo Divino assumi quæcunq; natura creata etiam irrationalis. Ita S. Doctor lib: de vera Religione Cap: 16. *Nam id poterat & in aliquo aere corpore ad nostrorum aspectuum tolerantiam temperato, sed etiam hominibus in vero homine apparuit, ipsa enim natura suscipienda erat qua liberanda.*

## IV.

**D**EUS non necessitatur etiam moraliter ad optimum, adeoque nec ad Incarnationem fuit moraliter necessitatus. Ita S. D. lib: 3. de libero arbitrio: *Multa DEVS decernit & congruentissimè facit, quæ vel si omitteret, vel non faceret, decentissimè & congruentissimè faceret.*

## V.

**S**atisfactio CHRISTI pro peccatis nostris est superabundans. Ita S. D. lib: Medit: Cap: 8. *Magna est mea iniustitia, satis verò major Redemptoris iustitia.*



# VI.

**S**atisfactio **CHRISTI** quo ad intrinsecum valorem suum est infinita simpliciter, Ita S. D. In Enechridio Cap: 10. *Neg: per ipsum liberaremur, unum Mediatorem DEI & Hominum, Hominem CHRISTVM IESVM, nisi esset & DEVS.*

# VII.

**N**ulla pura Creatura potest condignè satisfacere pro offensa mortali Theologica. Colligitur ex eodem S. D. Cap: 8. *Medit: Potui per me Sancte Pater offendere, sed non valui per te placare Te.*

# VIII.


**M**otivum, finis, & causa Incarnationis non est solum remedium peccati, Colligitur id ex S. D. Serm: de Nativit: Domini. *Homo sequendus, non erat, qui videri poterat, DEVS sequendus erat, qui videri non poterat, ut ergo, exhiberetur homini, & quo videretur ab homine, & quem homo sequeretur, DEVS factus est Homo.*

# IX.

**H**umanitas **CHRISTI** Domini est substantialiter Sancta per Sanctitatem, increatam Verbi. Colligitur ex S. D. super Psalm. 44.

# X.

**C**HRISTUS Dominus non meruit, nec mereri potuit sui ipsius Incarnationem quo ad conceptum essentialem, seu substantiam Incarnationis. Ita S. D. lib: de Prædest: Sanct: Cap: 15. *Ille homo ut à Verbo Patri coeterno in unitatem Personæ assumptus Filius DEI Unigenitus esset, unde hoc meruit, quid egit ante? quid crediderit, quid petiverit?*



Disputabuntur publicè in Conventu Cracoviensi ad Sanctam  
**HEDVIGIM**, Ordinis Canonorum Regularium,  
SSmi Hierosolymitani Sepulchri, Defendète R. P. **CAIE-**  
**TANO SKOWRONSKI**, A. A. LL. & Ph. D.  
eiusdem Instituti Canonico Regulari, S. Th: Auditore.


Præsidente Admodùm Reverendo Patre M. I. A.

**COBO RADLINSKI**, Sacrae Theologiae

Doctore & Professore, C. G. M. Con-

siliario, Anno Domini 1721.

Die 30 Mense April:





Biblioteka Jagiellońska



stdr0030933



